



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Titvlvs IV. De Mvtivs Petitionibvs.

[urn:nbn:de:hbz:466:1-62587](#)

CAPITVLVM III.

Dilecti.

PARAPHRASIS.

Prior & Conuentus S. Mariæ ad carceres impetrarunt à Sede Apostolica rescriptum super debito pecuniario contra fratres Ecclesiae de Hispidâ: isti comparentes coram Iudicibus delegatis, excipiendo dixerunt, quod respondere non teneantur, et quod in libello expressum non sit, ex qua causâ pecunia illa deberetur: sed cum Iudices exceptionem hanc admittere nolent, illi appellârunt. Eo cognito Greg. IX. respondit, si ita res se habeat, ut narratur, que post appellationem acta sunt, irrita esse oportere.

SUMMARIUM.

1. In libello actionis personalis exprimenda est causa debiti; alias reus respondere, & litem contestari non tenetur.

2. Consultum est, ut libellus citationi inseratur, licet non sit necessarium.

NO T. vn. In libello actionis personalis exprimenda est causa debiti, quia v. g. mutuo datum, aut venditum fuit; alioquin reus respondere & litem contestari non tenetur, quâ de redixi in c. Dilecti. 6. de judic. Hic autem queritur, vtrum libelli copia vna cum citatione reo à Iudice transmitti debeat, seu, num tenor libelli literis citationis inferendus sit, negatiuè DD. respondent. Bart. in l. Inter accusatorem. n. 2. De publicis iudicis. gl. fin. in Clem. 2. ut lite pendente. Gail. lib. 1. Observ. 51. Felin. in c. 1. n. 2. hoc tit. Verum tamen consultum est, ut libellus citationi inseratur, partim ne alioquin, si reus non instrutus adveniat, nouæ ipsi delationes concedendæ sint, vti notauit gl. partim quia libelli traditio facta reo litis pendentiam inducit, vt ex eo tempore circa rem petitam nihil innowandum sit, vti colligitur ex cit. Clem. 2. juncta gl. verb. plenè.

TITVLVS IV.
DE MVTVIS PETITIONIBVS.

Ccidit interdum, ut postquam reus petitionem ac libellum iudici, & per hunc reo obtulit ad conuentionem eius, reus vicissim facta petitione seu oblatio libello conueniat auctorem, quamobrem hic agitur de mutuis petitionibus seu reconvencionibus.

CAPITVLUM I.

Ex litteris,

PARAPHRASIS.

Plebanus & Clerici Maturenses à Papâ impetraverant rescriptum ad Iudices contra Abbatem & Conuentum Monasterii Maturensis super quibusdam controversiis; eo oblatio rescripto, Abbas & Conuent-

tus vicissim capitula proponebant, ad quæ Plebanum & Clericos respondere sibi coram eisdem delegatis Iudicibus petebant; hanc eorum petitionem justani esse respondet Alex. III. idem mandat, ut prius monachos jubeant respondere positionibus Clericorum, eoque facto in continenti compellant Clericos ad respondendum monachis super ipsorum petitionibus ac articulis, ac deinde, si partes ad concordiam redigere non possint, super ytroque negotio sententiam proferant.

SUMMARIUM.

1. Non tantum coram Iudice ordinario, sed etiam coram delegato locus est reconventioni.
2. Qui alterum conuenit coram Iudice non suo, is suppositâ hac legis constitutione prorogat jurisdictionem, debetque esse conten-

tus,

- tus, ut & ipse vicissim conueniri possit in causis etiam diversis secundum quantitatem, non autem secundum speciem.
3. Clericus, vel etiam laicus coram judice seculari reconueniri non potest in causa spirituali, aut annexa.
 4. Nec coram eo Clericus in causa criminali.
 5. Communior est D.D. sententia, quod Clericus in causa mere ciuilis coram judice liso conueniri possit.
 6. Spectato jure, clericus in causa ciuili coram judice seculari reconueniri non potest.
 7. Reus conuentus volens reconuenire auctorem, debet id facere ante litis contestationem, vel statim post eam, antequam ulterius procedatur.
 8. Auctor alias privilegiatus reconuentus a reo non potest nisi iuste intentata, reo invito, renuntiare, licet lis nondum contestata sit.

NO T AND V M I. Non tantum coram judge ordinario, sed etiam coram delegato locusest reconventioni, ita etiam habetur in *Authent. C. De sententiis & interlocutionibus*. Ratio est, quia qui sponte eligit sibi judicem contra alterum, ipsi pati etiam debet, vt alter contra ipsum eundem sibi judicem depositat. *I. penult. ff. de sententiis & interlocut.* quanquam id primitus Papiniano visum fuerit in eodem negotio seu causa, ita vt qui alterum actione mandati conuenit, etiam mandatario in eodem respondere tenetur, si quid forte causam mandati expendit; sed Imperator Iustinianus extendit in cit. *Authent. placitum Papiniani*, quod reus conuentus auctorem suum non solum super eadem, sed etiam diversa causam statim reconuenire possit apud eundem judicem, ita vt reus contra ipsum tanquam incomptentem excipere nequeat, addit vero Iustinianus, licet reus conuentus non obligetur auctorem suum reconuenire (quia nemo ad agendum compellitur, tit. *Vt nemo invitus agere &c.*) si tamen eum vicissim conuenire velit, quod id agere debeat coram eodem judge; quia coram alio non admittetur, nisi lito illa, quam auctor mouit, per sententiam termina-

tâ, & hæc etiam secundum jus canonicum procedat cum limitationibus postea adducendis.

Obiicies, quod delegatio stricti juris esse censeatur, ideoque non extendenda de personâ ad personam, aut de casu ad casum. *c. P. & G. 40. de off. delegat.* Resp. hanc extensionem utroque jure fieri propter æquitatem, quod ægræ ferre non possit, vt qui judicem pro se impetravit, eundem etiam pro se sustineat. *c. Dilectus 6. De arbitr.*

Corollarium. Qui alterum conuenit coram judge non suo, is suppositâ hac legis constitutione prorogat jurisdictionem, quia contentus esse debet, ut & ipse vicissim conueniri possit. Ita *Bartolus, Maranta de ordinario p. 4. dist. 6. n. 23.* qui recte admonit, id intelligendum esse de prorogatione, quæ sit erga personas alioquin jurisdictioni non subiectas, juxta *I. Est receptum. 14. juncta gl. v. jurisdictione. ff. De jurisdictione*, ubi dicitur, quod etiam maior possit ita se subiicare judici minori. Sin autem loquamus de prorogatione seu extensione ad causas alioquin judici non competentes, tunc est distinguendum, utrum sit diversitas secundum speciem, an secundum quantitatem. Hoc posteriore casu concessa est prorogatio per reconventionem, vt si judex constitutus sit ad judicandum de causis non excedentibus 10. duggatos, poterit is de maiore etiam summâ cognoscere per viam reconventionis. *argum.* *I. Si idem 11. §. Sed et si. ff. De jurisdictione.* & tradit *Maranta n. 24.* nam talis prorogatio ad quantitatem maiorem, partium expresso consensu fieri potest, *I. De quare. 74. §. Index. ff. De judic.* ergo etiam consensu tacito, sin autem causarum diversitas sit secundum species, tum prorogatio seu extensio jurisdictionis fieri non potest, nam ea ad similia tendit, seu quæ eiusdem generi sunt, ut etiam Durandus docet *lib. 2. part. 1. tit. de reconventione.* *§. Nunc dicamus.*

Exempla sunt, si judex pedaneus constitutus sit ac judicandum de causis minoribus tantum, non potest conuentus coram eo auctorem reconuenire in causam meri, aut mixta

imperii, vel in quâ agitur de hominis statu ac libertate: & conuentus coram judice constituto ad causas tantum ciuiles, non potest reconuenire alterum in causâ criminali.

Neque his obstat, quod judex, qui de causâ ob eius arduitatem cognoscere principali-
ter nequit, cognoscere tamen possit inci-
denter l. 3. C. de judiciis. & 2. C. de ord.
cognitionum, vbi ponitur exemplum, si quis haereditatem petat, & excipiatur coram eo quod sit seruus, id est que incapax haereditatis, quod judex de statu hominis incidenter cognoscere possit, ergo simili modo judex pe-
daneus cognoscere poterit de causâ maiore per reconventionem, cum veluti per acci-
dens in judicium veniat. Resp. cum Marantâ
l.c.n.26. negandam esse consequentiam, quia cau-
sa reconventionis non est necessariò con-
nexa cum causâ conuentionis, ita ut hæc abs-
que illâ expediri nequeat, sicuti frequenter
causa incidens necessariò prius expediri de-
bet, quâm ad causam principalem proceda-
tur, cum verò judicii cause principalis per-
missum est, ut de incidente cognoscatur, prius
quâm principalem aggrediatur, dummodò
cognitionis de principali capax sit, sicuti ex-
plicatur in c. tuam, 4. ff. de ord. cognit. ha-
bemus igitur unam, eamque potissimum ex-
ceptionem, quod prorogatio jurisdictionis
ratione reconventionis fieri non possit ad
causam alterius generis vel altioris indaginis.
Alias verò exceptiones reperies apud Duran-
dum cit. §. Nunc dicamus. Marantan. n. 28.
videlicet si causa, pro quâ agitur, notoria aut
liquida sit, ita ut solùm oporteat sententiam
ferre, uti Baldus obseruauit in auth. & conse-
quenter n. 8. c. De sententiis & interlocut.
Marantan. 31. vbi exemplum afferunt de in-
strumento debiti, quod vel ex formâ verbo-
rum, vel ex vi statuti paratam habere debet
executionem in bonis debitoris. Item. Si of-
ficium judicis extra judicialiter imploretur, ut
cum petitur testamentum aperiri, donationē
decreto judicis confirmari, possessionem sibi
manu armata conseruari: præterea si causa
propter periculum celerem expeditionem
desideret, ut videre est apud Menochium de
arbit. qq. casu 44. in fine, aut cum aliquis

suam aut suorum iniuriam in judicio perse-
quitor, l. 2. §. Sed et si. ff. De iudiciis. denique
in causâ appellationis reconventioni locus
non est, quia judex appellationis ex necessi-
tate quadam adiutur propter iniuriam judicis
à quo de quare quam videri potest Maranta.
n. 15. & seq.

Restat autem præcipua controversia, si Clericus laicum coram judice suo conueni-
at, num per modum reconventionis & ipse
coram eodem judice respondere cogatur. 3
Resp. & Dico I. Certum est, quod Clericus
veletiam laicus coram judice seculari recon-
veniri non possit in calu spirituali, aut anne-
xâ, nam judex secularis de tali causâ cognoscere
non potest incidenter c. Tuam supra cit.
ergo multò minus per modum reconventionis.

Dico II. Certum etiam est, quod Cle-
ricus coram judice seculari reconueniri non
possit in causâ criminali, siue agatur ad pœ-
nam criminalen; siue ciuilem, ita docent Ca- 4
nonistæ c. unico. de Cleric. Coniug. in b. Ioan.
Andr. hic n. 3. nam prorogatio jurisdictionis
per viam reconventionis fieri non potest ad
genus causarum omnino diuersum, cuius ju-
dex etiam incapax est: tales autem sunt causæ
criminales Clericorum & Religiosorum;
quia jurisdiction & judicium circa personas
Deo sacras non minus imò magis Ecclesiast-
icum est intrinsecè & ex obiecto, quâm il-
lud, quod est de sacris vasis, jure patronatus
&c. ergo jurisdiction judicis laici non potest
se ad has causas extendere, idque nec inci-
denter quidem, uti hic docet Felinus n. 10.
Ioan. Andr. c. At si Clerici. n. 14. de judiciis.

Dico III. Communior est DD. sententia,
quod clericus in causâ merè ciuili coram ju- 5
dice laico conueniri possit. Ita gl hic. verb. su-
per. Ioan. Andr. l. c. n. 14. Decius n. 25. Bar-
tolus in eit. auth. & consequenter. n. 19. Barbat.
n. 25. quamobrem hæc sententia & praxis
damnari non potest, tum propter DD. au-
toritatem, tum propter plurium regnorum
consuetudinem, quæ præter immemorialis
temporis decursum (quod solum in hoc ca-
su non sufficeret ad præscribendum) habet
etiam scientiam & tolerantiam Pontificis.

Dico 4. Spectato jure, vera est sententia,
Abbas

quam tenuit Archidiaconus in cit. c. unico.
Abbas hic n. 22. quod Clericus coram judice sacerdotali ne quidem in causâ ciuili reconveniri possit. Probatur: A regula generali prohibitoria discedere non licet, nisi habeamus casum in jure exceptum, c. 2. de translatione Episcopi. c. 1. de supplicanda neglig. *Praenat.* in 6. Est autem regula generatim prohibitoria, quod Clericus à judice sacerdotali etiā in causâ ciuili judicari nequeat, ut passim videtur est, præsertim causâ 11. q. 1. & quod nec inviti nec voluntariè subiictere se possint jurisdictioni judicis laici etiam in causâ ciuili. c. Si diligenter. 12. de foro competente; ab hac autem vniuersali prohibitione casus reconventionis exceptus non reperitur; cum enim in jure canonico reconuentio approbatur, sermo est de foro Ecclesiastico, seu de partibus coram judice Ecclesiastico contendentibus, non coram sacerdotali. At verò Iustinianus Imperator, qui primitus legem reconventionis introduxit, ita ut actor alioquin exemptus à judice, coram quo litigat, judicium contra se quoque sustinere debeat, non potuit id statuere, nisi erga subditos suos, non item erga Clericos omnimodè à foro sacerdotali exemptos. Sed nec Ecclesia tales leges ciuiles, quatenus Clericis onerosæ sunt, & libertati Ecclesiasticae adversantur, suscipere solet, ut dixi in c. Ecclesia. de Constitut. Quod verò aliqui existimant legem illam Iustiniani canonizatam fuisse in decreto Gratiani, 3. n. 8. c. 1. §. Nullam. nimis ridiculum est, cum verba illa Codicis ad epistolam Zephirini Papæ I. non spectare, sed insigni alicuius inscitiâ adiecitam esse manifestum sit.

Confirmatur ex c. 1. de juramento calunnia, ubi tametsi utroque jure statutum sit, ut in exordio litis juramentum calumniae ab omnibus præstetur, quia tamen speciatum reperitur, ne Clerici jurent (intellige coram judice sacerdotali) recte exinde tum Imperator Henricus, tum Honorius II, collegerunt, & interpretati sunt, Clericos à juramento calumniae immunes esse oportere.

OBIICES I. Id naturaliter æquum est, ut qui à me quidpiam coram judice petit, para-

tus esse debeat, ut & ego vicissim postulem, quod mihi ab ipso petetur, cum par virius que litigantium conditio esse debeat. Resp. Vel loquimur de eodem negotio, & quod merito ciuili, tunc fateor, quod judex laicus in causâ, quam Clericus coram ipso proposuit, cognitionem habeat, si quid à reo per modum exceptionis opponatur, v. g. compensandi in jure, aut si quid per modum connectionis petatur, videlicet, ut expensæ litis solvantur, de talibus judicem sacerdotalem adversus Clericum cognoscere æquum est, uti monet *Imola* cit. c. At si clerici. n. 5. quamvis executionem sententia facere non possit contra Clerici personam, seu ipsum personaliter compellere ad soluendum, cum id à proprio eius judice fieri conueniat, uti hic docet *Felinus* n. 10. Vel loquimur de causis diuersis & minimè connexis, tunc æquitas naturalis id non postulat, quando partes contendentes sub magistratib⁹ omnino diuersis positæ sunt; potest enim dicere actor Reo conuento, sicut ego te conuenio coram tuo judice, ita, si quid querelæ habes, conuenias me coram judice meo, & par erit utriusque conditio.

OBIICES II. Si clericus à laico coram judice Ecclesiastico conuentus sit, potest vicissim clericus laicum coram eodem judice conuenire, ergo & laicus clericum coram judice sacerdotali. Resp. nego consequiam, quia judex Ecclesiasticus est capax jurisdictionis super personas laicas, & potestas sacerdotalis talem reconventionem non prohibet; at verò judex sacerdotalis censetur esse incapax.

NOTANDVM I. Reus conuentus, si actorem reconuenire velit, facere id debet ante litis contestationem, vel statim post eam, antequam ulterius procedatur; tum verò ita procedet judex, ut super causâ conuentio-
nis prius litis contestetur, & in continenti, id 7
est, priusquam ad alia pergatur, litis contestatio fiat super causâ reconventionis. Ulterius respondeat reus ad positiones actoris, & quæ factò vicissim etiam actor respondeat ad positiones Rei, & sic deinceps usque ad sententiam, quæ simul seu eodem contextu & ex eadem scriptura à judice proferti debet

bet; alioquin à processu & sententiâ eius appellari potest. Ita sumitur ex hoc c. *juncta gl. verb. in continentia*, & ex *Auth. de Executiorib. §. Sancimus. collat. 7.* & cit. *Auth. Et consequenter juncta gloss. Bart. n. 12.* & ex *I. Quiprior. 29. ff. de iudicis.*

Rectè tamen *Bart. admonet l.c. Francus in c. 3. §. Reus. de rescript. in b.* quòd Reus actorem etiam in progressu litis usque ad sententiam definitiūam conuenire possit, ita ut de incompetentiā judicis nequeat opponi, non tamen cum hoc priuilegio, ut utraque causa conuentioñis & reconuentioñis simul tractandæ sint, sed unā expedita, ad alteram progressus fieri debeat. Ita colligitur ex *civ. c. 3.* & cit. *Auth. Et consequenter.*

§. Corollarium. Si actor alioquin priuilegiatus seu exemptus, à reo reconueniatur, non potest deinde liti à se intentatae Reo invito renuntiare, tametsi lis nondum contestata sit, ita docet *Baldus in cit. Auth. Et consequenter, n. 14.* quia jus acquisitum est reo, quando ab ipso actor per legitimam reconuentioñem occupatus est, ergo is pati debet, si reus velit, ut cause simul examinentur ac definiantur.

C A P I T U L U M I I.

Prudentiam.

P A R A P H R A S I S.

Si alicui judici à Papâ causa delegata fuerit, remotâ appellatione, & Reus coram eodem judge actorem reconuenierit, queritur, utrum causa reconuentioñis similiter expediri debeat, remotâ appellatione, ita ut Actor audiendus non sit, si appellat. Affirmatuerit respondit Cœlestinus III. Quia Actoris & Rei eadem conditio esse debet, & quomodo sibi justitiam administrari desiderat

Actor, ita contentus esse debet, ut justitia erga ipsum administretur.

S V M M A R I V M.

1. *Clausula opposita in rescripto conuentioñis, ut procedatur appellatione remota, obseruari debet etiam in causa reconuentioñis.*
2. *Modus procedendi in causa reconuentioñis imitatur modum procedendi in conuentione.*

N O T A N D V M Vnic. clausula apposita in rescripto conuentioñis, ut procedatur, appellatione remota, obseruari debet etiam in causâ reconuentioñis. Id verò gl. finalis intelligit duntaxat, si ad instantiam partis rescriptum cum tali clausula datum sit, sed magis placet sententia *Imola hic. n. 1. Abbatis n. 8.* idem dicendum esse, tametsi motu proprio Principis clausula apposita fuerit ob rationem textûs, quia quo jure Actor vtitur aduersus Reum, etiam erga ipsum procedi debet.

Imo hinc generalis regula infertur cum *Abbate, Imola, Felino*, quòd modus procedendi in conuentione, siue, quid causa reconuentioñis ex civilis & canonici juris constitutione æquiparata est cause conuentioñis, idque propter connexionem, quam habent, ut simul tractari ac definiri debeat. Quamobrem, si causa conuentioñis summaria tantum fuit, etiam reconuento ita expediti debet, licet alioquin ordinari processum postularerit, sicuti docet gl. in *Clem. sép. verb. si quid petere. de verb. signif. Abbas hic. n. 10.* quamvis non pauci contrarium sentiant, inter quos *Durand. rit. de reconuent. §. Nunc dicamus. n. 11.* deinde si Reus vigore rescripti tractus fuit ultra duas diætas, aut 12. leucas, potest etiam ipse eodem fauore vti aduersus Actorem, ut hic Abbas monet.

TITV.